



Universitätsbibliothek Paderborn

**Spes & Fiducia, Cvrīs Ivdiciisqve Dei, Erga Homines In Hac
Vita Existentes, Firmata**

Stengel, Georg

[S.I.], 1645

§. 7. Iter agentibus P. P. Dominicanis quomodo Deus prospexerit?

[urn:nbn:de:hbz:466:1-49823](#)

hæc ipsa tempora esse Antichristi videantur,
quibus se Christus dixit, *fidem non inueni-
rum in terris.* *Luc. 18. 8.*

§. VII.

*Iter agentibus PP. Dominicanis, quomodo
Deus profexerit?*

Alia fide imbutus fuit D. Benedictus, ce-
terique religiosorum conditores, qui cre-
diderunt, Dei bonitatem esse tam bonam,
vt nulla se sinat liberalitate superari. Itaque
religionem ingressi omnia, Christi amore,
dimiserunt, Christum sibi peculiaribus stu-
dijs obstringentes, vt ipse quoque peculia-
rem eorum curam susciperet. In D. Domini-
ci vita legimus, recente adhuc ordine, eum
alumnos suos, Christi more, binos, ad pœni-
tentiam prædicandā, in varia loca ablegasse.
Contigit aliquando, vt horum duo, usque
ad horam nonam diei, hoc est, usque ad ve-
speram, absque cibo, fame atque itinere
fatigati, inter se mœstis animis consulta-
rent, vndenam, aut quid, ad corpora curan-
da, in regione ignota, apud ignotos paupe-
rēsque sperare possent? Ita sollicitis & nu-
tantibus repente superuenit vir statura pro-
cerus, forma honesta & eleganti, sed habitu
peregrino, qui illorum infirmam & modi-

Q

eam

cam fidem vultuosius, & sermone seueriore accusans: Potuistis, inquit, credere Deo, ut eius caussâ Mundum relinqueretis , nunc autem credere non potestis , illi curam esse

Ps. 146.9. de vobis? qui dat jumentis escam ipsorum?

Non sinet filios fame emori: quod vos ipsi hodie abunde experiemini. His acriter dicatis, videri desijt (cœlestis quippe Genius erat) fiduciâ magnâ in animis eorum relicta. Prosequuntur igitur viam, & in pagum proximum, eumque haud magnum aut nobilem declinant ; ingrediuntur in templum, orant ; orantes loci sacerdos comiter invitat, domumq; suam vt visant, rogat. Dum eunt, obuius miles , suos vult esse conuiuas. Oritur pium certamen. Negat se id passurū sacerdos , sibi iam condixisse dictitans ; se jure esse priorem. Miles, contra jus, vim ostendit ; &, injecta manu , innocentem facere rapinam laborat. Hac controuersia diu agitatâ, superuenit, diuinâ prouidentiâ dirigente , oppidi Dominus , litemq; dirimit, ductis in suam domum, lauteq; habitis & Religiosis, & milite, & sacerdote. O quām rara lis est, quantò potius nunc homines auari, eiuscmodi hospites solent à se ad alios deriuare, quām, exemplo Abrahæ, obuiam pro-

procurrere, atque ad se trahere! quotiesque negant se esse domi, cum tales aduenæ fores pultant? Neque idcirco diffidendum, quia nouit Deus, in cuius manu sunt corda hominum, etiam de parcos Eucliones, ad succurrendum suis, conmouere. Quod eò illustriùs est opus, quemadmodum & mirabilius est, è pumice, quam è fonte, aquam elicere.

§. VIII.

Eadem PP. Franciscanis accidisse.

De D. Francisco scribitur, eum, quoties suos aliò amandaret, nullum illis aliud viaticum dare consueuisse, quam illud Psalmi:

Iacta super Dominum cogitatum tuum, & ipse te enutriet: cuius versiculi fides, instar omnis peculij, erat. Accidit, ut duobus ab eo peregrinatum missis, diemque iam ferè totum, via inediāque confectis, vires deficerent, quin ut stipe ostiatim flagitatâ, nihil à quopiam mortalium porrigeretur. Quam pronum est, tali tempore, homines fieri subtristes & impatientes? Quam facile sollicitudo futuri & praesens inopia confidentiam labefactat? Et tamen, in his ipsis viris, pusillanimitatem Deus censuit castigandam. Misit igitur ex astris adolescentem ipsis astris formosiorēm, qui, interrogatâ causâ, ob quam adeo

Psal. 54:

23.

O 2 deies